

Nuup illoqarfiani sumiiffik aqquuserngillu taaguusersorneqartussat

Sumiiffinnik aqquuserngillu taaguutaannik siunnersuisoqatigiit Kommunalbestyrelsimut siunnersutaat

Aalajangiiffigisassaq

J.nr.: 23.02.03

Suliffeqarfimi Kiffartuussivik –kommunaldirektæri Lars Møller- Sørensen / LMS

Suliassamik eqikkaaneq

Sumiiffinnik aqquuserngillu taaguutaannik siunnersuisoqatigiit Nuup illoqarfiani Quassussuup tungaani Qinnngutsinnili sumiiffimmi ataatsimi aammalu aqquuserngit taaguutissaannik kommunalbestyrelsimut siunnersuuteqarput.

Niaqornannguit isertitsivissap tungaanut eqqaanilu aqquuserngit taagutissaatut siunnersuutigineqartut tassaapput:

- *“Miilup aqqutaa”*,
- *“Niaqornannguamut”*,
- *“Kuanninnguanut”* aammalu
- *“Isertitsiviit”*.

Qinnngutsinni inissiaqarfimmi aqqusinissamat siunnersuutigineqarpoq:

- *“Nuffit”*
- Aammalu Qinnngutsinni sumiiffiup taagutissaatut
- *“Qalorsaq”* siunnersuutigineqarluni.

Aningaasaqarnermut Inuussutissarsionermullu Ataatsimiititap 2018-imi novembarip ulluisa 8-ianni ataatsimiinnermini suliaq akuersissutigivaa Kommunalbestyrelsimullu inaarutaasumik akuersissutigisassanngorlugu ingerlatseqqillugu.

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Taaguutissatut siunnersuutigineqartut akuerineqassasut, aammalu
- Aningaasaqarnermui Inuussutissaqarnermullu Ataatsimiititap allannguutissatut innersuussai, tassaasut *“Miilup aqqutaa”*, ilanngussami 1-mik nalunaarsorsimasoq aammalu, *“Kuanninnguanut”*, ilanngussami 3-tut nalunaarsorsimasoq, taaguutissaat paarlaanneqassasut.

Suliassamik saqqummiussineq

Sumiiffinnik aqquuserngillu taaguutaannik siunnersuisoqatigiit Nuup illoqarfiani Quassussuup tungaani Qinnngutsinnili sumiiffimmi ataatsimi aammalu aqquuserngit taaguutissaannik Kommunalbestyrelsimut siunnersuuteqarput.

Aaqqiissutissatut siunnersuut – suliatigut naliliineq

Taagutit ataani tungavilersorneqarlutik kommunalbestyrelsimut siunnersuutigineqarput tassaapput:

1. Niaqornannguit isertitsivissap tungaanut aammalu eqqani aqquuserngit (ilanngussaq 1)
Nuummi timmisartoqarfiup nalaaniit aqqusineq Aqisseqarajooq nangillugu aqquuserngit isertitsivissap tungaanut eqqaaniittullu taaguusersorneqartussaapput.

Siornatigut Kommunalbestyrelsimut ilaasortaasimasooq Storm Ludvigsen-miit siunnersuutigineqarsimavoq Lars Miilu Lund aqqusinerlut atsiunneqassasoq. Siunnersuisoqatigiit siunnersuutigaat aqqusineq Aqisseqarajooq nangillugu Lars Miilu Lund, ulluinnarni taagorneqartarsimasooq "Miilu" aqisserniarajuttuusimasorlu aqqusinerlut atsiunneqassasoq, aqqusinerlu "*Miilup aqqutaa*"-nik taaguusernissaa siunnersuutigineqarpoq.

Aqquserngup nanginnera "*Niaqornannguamut*" taaguserneqarnissaa aammalu ingerlaqqinnerata "*Kuanninnguanut*" siunnersuutigineqarlutik, nunap aqqinut attumasuseqarnerat aallaavigalugit. Isertitsivissap tungaanut aqqut taaguuserneqarnissaa "*Isertitsiviit*" siunnersuutigineqarpoq, oqaaseq taanna isertitsivimmut kisimi tulluartinneqarmat.

2. Qinnngutsinni inissiaqarfimmi aqqut (ilanngussaq 2)

Qinnngutsinni massakummut kalaallit sakuuni atseruineq ingerlateqqinneqarnissaa siunnersuisoqatigiit kissaatigaat, taamaattumillu siunnersuutigalugu inissiaqarfimmi aqqut taaguserneqassasoq "*Nuffit*".

3. Qinnngutsinni sumiiffiup taaguserneqarnissaa (ilanngussaq 3)

Siunnersuisoqatigiit siunnersuutigaat oqaaseq "Qalorsaq" nunap ilusaa malillugu aammalu siulitta atsiisarnerat aallaavigalugu sumiiffik taaguserneqassasoq.

Aningaasatigut sulisoqarnikkullu naliliinerit

Aqquserngit taagusernissaanut atatillugu allagartanut (vejskilte) aammalu Lars Miilu Lund-p atsiunneqarnissaanut persuarsionnissaaq aningaasanik malitseqarumaarpoq.

Inatsisitigut tunngavissaaq allakkallu tunngaviusumik uppernarsaatitalit

- Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq.

Ingerlariaqqinnissaaq

Kommunalbestyrelsip aalajangiinera siunnersuisoqatigiinnut nalunaarutigineqarumaarpoq, taamatutaaq Sanarfinermut avatangiisinullu ingerlatsivimmut. Lars Miilu Lund-ip aqqusinerlut atsiunneqarnissaa immikkut persuarsiuutigalugu malunnartinneqarumaarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaaqatigiinneq

Taaguutit nutaat kommunip nittartagaanut saqqumminneqarumaarput.

Ingerlatsivinniit allaniit oqaaseqaatigineqartut

Oqaaseqaateqartoqanngilaq.

Siusinnerusukkat aalajangerneq

Aningaasaqarnermut Inuussutissarsiornermullu Ataatsimiititap aalajangernera 8. novembari 2018-imeersoq:

Inassuteqaatit akuersissutigineqarput

Ilanngussaq/Ilanngussat

1. Nunap assinga, aqquserngit taagutissaattut siunnersuutigineqartut, Nunap assinga, Inissiaqarfissap aqqusinnissaataa taagutissaanut siunnersuut aamma Nunap assinga, sumiiffiup taaguutissaanut siunnersuut